

BULETIN **IKBN** SERI ISKANDAR

EDIS 4 | DISEMBER 2025

32610 BANDAR SERI ISKANDAR, PERAK

BENGKEL KOMUNITI FILEM DAN BELIA KREATIF 2025





TOK SIDANG JINGGO @ IKBN SERI ISKANDAR

SERI ISKANDAR ,11 Disember 2025 - IKBN Seri Iskandar telah dikunjungi oleh Team JS Pro Academy yang diketuai oleh Tn. Hj Azman bin Hj. Yahya atau lebih dikenali sebagai Tok Sidang Jinggo telah mengadakan sesi perbincangan berkaitan pelaksanaan Bengkel Komuniti Filem & Belia Kreatif 2025.

Kunjungan ini merupakan sebahagian usaha IKBN Seri Iskandar dalam memperkukuh hubungan strategik bersama rakan industri, dengan fokus memberikan nilai tambah kepada pelajar serta meluaskan peluang pembangunan kemahiran dalam bidang seni kreatif dan perfileman.

Terima kasih kepada pihak JS Pro Academy atas kesudian hadir dan berkongsi pandangan demi membentuk kerjasama yang bermanfaat. Semoga perbincangan ini membuka ruang program baharu untuk belia pada masa hadapan.

INSTITUT KEMAHIRAN BELIA NEGARA
SERI ISKANDAR
PERAK DARUL RIDZUAN





KEJOHANAN LIGA PING PONG PERSEORANGAN TERBUKA IKBN SERI ISKANDAR 2025

SERI ISKANDAR, 16 DISEMBER 2025 - IKBN Seri Iskandar dengan bangganya mengumumkan penganjuran Kejohanan Liga Ping Pong Perseorangan Terbuka IKBN Seri Iskandar 2025, anjuran Kelab Sukan dan Kebajikan Kakitangan (KESKEB) IKBN Seri Iskandar. Pertandingan ini berlangsung dari 16 Disember 2025 hingga 22 Januari 2026 di IKBN Seri Iskandar, Perak.

Seramai 24 peserta akan bersaing bagi merebut gelaran juara dalam suasana persaingan yang sihat dan penuh semangat. Hadiah menarik menanti para pemenang.

Jom saksikan kehebatan peserta-peserta kita dan sokong rakan-rakan anda! Jangan lepaskan peluang untuk menyaksikan aksi menarik di gelanggang IKBN Seri Iskandar.





PERPUSTAKAAN IKBN SERI ISKANDAR RAIKAN PENCAPAIAN PELAJAR & WARGA IKBN SERI ISKANDAR SEMPENA KEMPEN MALAYSIA MEMBACA 2025

IKBN SERI ISKANDAR, 17 Disember 2025 - Perpustakaan IKBN Seri Iskandar telah menganjurkan program bagi meraikan pencapaian pelajar dan warga kakitangan sempena Kempen Malaysia Membaca 2025 bertempat di Dewan Maharajalela, IKBN Seri Iskandar. Program ini bertujuan menggalakkan budaya membaca, kreativiti, serta mengiktiraf pencapaian pelajar dan kakitangan. Antara pertandingan dan anugerah yang dianjurkan adalah Pertandingan Poster AI Merdeka, Pertandingan Cipta Nama, Cipta Legasi dan Cipta Identiti Jom Baca 2025, Anugerah Kelas Dedikasi dan Aktif Perpustakaan, serta Anugerah Kakitangan, Peminjam dan Pengguna Perpustakaan Paling Aktif 2025.

Pemenang Utama:

1) Pertandingan Poster AI Merdeka (20 peserta):

- Johan: Mohamad Faris Imran bin Mohd Yusni
- Naib Johan: Cik Siti Shahirah binti Anuar
- Ketiga: Ahmad Danish Amiruddin bin Mohd Azhani

2) Pertandingan Cipta Nama, Legasi & Identiti Jom Baca 2025:

- Johan: Dr Noraazian binti Osman
- Naib Johan: Mohamad Faiz Danial bin Mohamad Asri

3) Anugerah Perpustakaan 2025:

- Kelas Dedikasi: Kelas Elektrik SKM Semester 2
- Kelas Aktif: Kelas IE Semester 4
- Kakitangan Paling Aktif: Encik Mohd Shahrin bin Zakaria
- Peminjam Buku Paling Aktif: Muhammad Adib bin Adnan
- Pengguna Perpustakaan Teraktif: Harris Raj a/l Ramesh

Penyampaian sijil dan anugerah dilakukan sewaktu Majlis Perhimpunan Bulanan Disember 2025 anjuran Bahagian Pentadbiran & Kewangan IKBN SIP. Tahniah kepada semua pemenang! Semoga budaya membaca terus berkembang di IKBN Seri Iskandar pada tahun 2026.

MAJLIS PERHIMPUNAN BULANAN

IKBN SERI ISKANDAR, 17 DISEMBER 2025 (RABU) - Telah mengadakan Perhimpunan Bulanan Institut Kemahiran Belia Negara (IKBN) Seri Iskandar bagi bulan Disember 2025 anjuran Bahagian Pentadbiran dan Kewangan (BPK) bertempat di Dewan Dato' Maharaja Lela IKBN Seri Iskandar. Majlis ini dihadiri oleh Tuan Pengarah, semua pegawai dan kakitangan serta para pelajar IKBN Seri Iskandar, Perak. Majlis dimulakan dengan sambutan ketibaan Tuan Pengarah dan terus dimulai dengan nyanyian lagu Negaraku, lagu Negeri Perak dan bacaan Ikrar Rukun Negara yang diketuai oleh saudara Haziq Aqashah bin Jalailuddin, wakil pelajar MPP IKBN Seri Iskandar. Seterusnya, Majlis diteruskan dengan bacaan doa yang dipimpin oleh Saudara Ahmad Naqib bin Kamarjan, wakil pelajar semester 1 IKBN Seri Iskandar.

Antara pengisian di dalam Majlis Perhimpunan Bulanan tersebut iaitu tayangan video montaj sorotan aktiviti/program-program sepanjang bulan November hingga Disember 2025, ucapan aluan oleh Tuan Pengarah, Tn. Farizul Arizal bin Abd Rahman dan penyampaian sijil/ hadiah/ cenderahati. Beberapa anugerah dan penyampaian sijil terdiri daripada:

- * National Creativity, Learning, Gamification & Digital Innovation (iCLGDi).
- * Kumpulan Inovatif Dan Kreatif (KIK).
- * Kelab Petani Muda; Projek Botani Agro Garden @ IKBNSIP.
- * Kelab Juta-Jutawan; Program Inkubator Tvetpreneur @ IKBNSIP.
- * Pertandingan Anugerah Inovasi Lestari Bumi Hijau (AL LBH) Peringkat Negeri Perak Darul Ridzuan Tahun 2025.
- * Pertandingan Rekabentuk Poster Kreatif.
- * Rakan Belia YADIM IKBN Seri Iskandar Sesi 2025/2026.
- * Kem MyINSANIAH (Modul Jati Diri) Tahun 2025.
- * Bengkel Komuniti Filem Dan Belia Kreatif.
- * Pertandingan Poster AI Merdeka Sempena Program Perputakaan: Program Semarak Kemrdekaan & Hari Malaysia 2025.
- * Pertandingan Cipta Nama, Cipta Legasi, Cipta Identiti Sempena Program Jom Baca 2025.
- * Anugerah Kelas Dedikasi Perpustakaan Tahun 2025.
- * Anugerah Kelab Aktif Perpustakaan Tahun 2025.
- * Anugerah Kakitangan Paling Aktif ke Perpustakaan Tahun 2025.
- * Anugerah Peminjam Buku Paling Aktif Tahun 2025.
- * Anugerah Pengguna Perpustakaan Paling Aktif Tahun 2025 bagi Perpustakaan IKBNSIP.


Majlis diakhiri dengan penyampaian cenderahati daripada Kelab Sukan dan Kebajikan Kakitangan (KESKEB) IKBN Seri Iskandar kepada kakitangan yang menyambut hari lahir pada bulan November hingga Disember 2025.

TAKLIMAT SERTA PELAKSANAAN PENILAIAN KENDIRI KOMPETENSI PROFIL PENGAJAR (TiPS) 2.0

TAKLIMAT SERTA PELAKSANAAN PENILAIAN KENDIRI KOMPETENSI PROFIL PENGAJAR (TiPS) 2.0

SERI ISKANDAR , 17 DISEMBER 2025 - Institusi Latihan Kemahiran Belia dan Sukan (ILKBS) telah dipilih daripada 14 agensi pelaksana TVET untuk melaksanakan penilaian rintis bagi penilaian kompetensi pengajar tahun 2025 menggunakan TVET Instructor eProfiling System (TiPS) versi 2.0.

Sehubungan dengan itu, Cawangan Penyelarasan dan Kawalan Kualiti , IKBN Seri Iskandar telah melaksanakan sesi taklimat secara atas talian kepada semua pengajar TVET di IKBN Seri Iskandar bagi menyampaikan maklumat serta seterusnya melaksanakan penilaian kompetensi bidang Pengurusan, Pedagogi dan Vokasional yang berkaitan dengan penempatan mereka masing-masing.



Bidang Kompetensi						
Penyelia Kasekuruhan	Vokasional/Profesional	Penyelia Bidang	Pedagogi/Sosial	Penyelia Bidang	Pengurusan	Penyelia Bidang
MUHAMMAD BIN MUHAMMAD	-	-	-	-	-	-
RAJA MUADZAM SYAH BIN RAJA MOHD NOOR	[SKI 03] Teknologi Maklumat (Multimedia Interaktif)	RAJA MUADZAM SYAH BIN RAJA MOHD NOOR	[P853-002-4:2021] PENGAJARAN TVET	RAJA MUADZAM SYAH BIN RAJA MOHD NOOR	[P853-002-5:2021] PENGURUSAN TVET	RAJA MUADZAM SYAH BIN RAJA MOHD NOOR
MOHD KAIRUL NIZAM BIN YAHYA	[SKR 03] Teknologi Maklumat (Rangkaian Komputer)	Nada Penyelia bidang	[P853-002-4:2021] PENGAJARAN TVET	Nada Penyelia bidang	[P853-002-5:2021] PENGURUSAN TVET	Nada Penyelia bidang
ADILA SHARINGAT	-	-	-	-	-	-
RAJA MUADZAM SYAH BIN RAJA MOHD NOOR	-	-	-	-	-	-
ZAKIYAH BINTI USMAN	-	-	-	-	-	-
MUHAMMAD BIN MUHAMMAD	-	-	-	-	-	-
MUHAMMAD BIN MUHAMMAD	[SLE 03] Teknologi Elektrik (Pendawaian Elektrik Tiga Fasa)	Nada Penyelia bidang	[P853-002-4:2021] PENGAJARAN TVET	Nada Penyelia bidang	[P853-002-5:2021] PENGURUSAN TVET	Nada Penyelia bidang
MUHAMMAD BIN MUHAMMAD	-	-	-	-	-	-

<https://eprofiling.ciaast.gov.my/>

1 November - 15 Disember



TVET Instructor eProfiling System



eprofilinggrp@ciaast.gov.my



03-55438888

PASTIKAN!

1. Institut, agensi dan penyelia yang terkini.
2. Sekiranya berpindah institut/naik pangkat sila tambah perjawatan dan tambah bidang kompetensi di institut semasa.
3. Status akaun "DISAHKAN"
4. Telah melaksanakan penilaian keberkesanan kursus dan penilaian ability setelah tamat kursus bagi tahun 2025
5. Penilaian kompetensi dilaksanakan mengikut kategori perjawatan yang akan DV perlu melengkapkan 3 kompetensi iaitu PEDAGOGY, VOKASIONAL dan PENGURUSAN

≥ 4.50 UPSKILLING ≥ 3.00 PROFESSIONAL < 4.50 RESKILLING

PAMERAN INSTITUT TVET SEMPENA PROGRAM HIMPUNAN HUFFAZ 2025 DAN SIMFONI DAKWAH NUSANTARA



BAGAN DATUK, 21 DISEMBER 2025, AHAD - Pameran Institusi TVET sempena Program Himpunan Huffaz 2025 dan Simfoni Dakwah Nusantara yang telah diadakan di Masjid Tuminah Hamidi Bagan Datuk, Perak telah menarik ramai pengunjung dan berakhir dengan jayanya.

Program ini telah disempurnakan oleh YAB Dato' Seri Diraja Dr. Ahmad Zahid bin Hamidi, Timbalan Perdana Menteri.

Pelbagai pengisian sepanjang program ini berlangsung antaranya Pelancaran Standard Pengiktirafan Tahfiz Malaysia (SPTM), Taklimat TVET, Qasidah, Tausiyah dan juga Bicara Hati Umat bersama Ustaz Prof. Dr. Abdul Somad Batubara.

Semoga pameran yang diadakan ini dapat mempromosikan bidang TVET dan memberi pendedahan kepada pelajar dan masyarakat tentang peluang kerjaya dalam bidang ini serta memilih IKBN Seri Iskandar sebagai tempat untuk menyambung pelajaran.



TAKLIMAT LATIHAN INDUSTRI SESI JANUARI 2026

IKBN SERI ISKANDAR, 24 DISEMBER 2025 - Taklimat Latihan Industri telah berlangsung pada 23 dan 24 Disember 2025 melibatkan pelajar Jurusan Rangkaian Komputer (Sesi 2/2024), Elektronik Industri (Sesi 1/2024) dan Elektrik (Sesi 1/2025).

Latihan di industri dapat memberi pendedahan awal kepada para pelajar tentang apa yang bakal dihadapi sebelum melangkah ke dunia industri sebenar.

Taklimat yang dikendalikan oleh pegawai daripada Cawangan Hubungan Industri dan Kerjasama Strategik ini berkongsi maklumat penting berkaitan penempatan latihan industri, tanggungjawab pelajar serta tip berguna kepada para pelajar dari segi persediaan fizikal, mental, pengetahuan dan kemahiran.

Para pelajar turut dimaklumkan bahawa kelayakan untuk menjalani latihan di industri bergantung kepada keputusan peperiksaan akhir yang akan berlangsung pada pertengahan Januari 2026.

Justeru, fokus, usaha dan komitmen dalam pembelajaran amatlah penting bagi memastikan pelajar layak untuk menjalani latihan di industri yang dijadualkan pada 2 Februari sehingga 30 April 2026.

Diharapkan agar para pelajar dapat membuat persediaan sebaiknya, menimba pengalaman berharga, mempelajari budaya kerja sebenar serta membina keyakinan diri melalui latihan industri ini.

Pengalaman ini bukan sahaja membuka peluang kerjaya, malah membantu melahirkan graduan yang lebih bersedia, berkemahiran dan diyakini industri.



MALAYSIA DIGITAL
EDUCATION NETWORK

AHLI KUMPULAN



**DR NORAAZIAN
OSMAN**



**NURISHAH BT
SAHAK**



**ATIKAH ABD
RAHMAN**



**NORZALINA
BT HASHIM**

IKBN SERI ISKANDAR BEBAK



INOVASI DIGITAL

KEJAYAAN PASUKAN IKBN SERI ISKANDAR DALAM PERTANDINGAN INOVASI DIGITAL ANTARABANGSA

IKBN Seri Iskandar telah mencatat satu lagi kejayaan membanggakan apabila Pasukan Inovasi institut berjaya meraih Pingat Perak dalam pertandingan International Creativity, Learning, Gamification & Digital Innovation (iCLGDi) yang berlangsung secara virtual dari 10 September hingga 11 Oktober 2025.

Pertandingan ini telah melibatkan penyertaan seramai 250 orang peserta daripada pelbagai institusi, sekali gus menjadi platform perkongsian idea serta inovasi dalam bidang kreativiti, pembelajaran, gamifikasi dan teknologi digital.

Pasukan inovasi IKBN Seri Iskandar terdiri daripada empat orang pegawai, melibatkan dua pegawai dari Jabatan Pengajian Umum dan dua pegawai dari CPKK, yang diketuai oleh Dr HjH Noraazian bt Osman. Ahli pasukan terdiri daripada Pn. Norzalina bt Hashim, Pn. Nur Ishah bt Ishak dan Pn. Atikah bt Ab Rahman.

Inovasi yang dipertandingkan bertajuk MyDOKKJP (My Dokumen Kursus Jangka Pendek) merupakan sebuah sistem pengurusan fail digital berbentuk aplikasi yang dibangunkan bagi menyokong pengurusan dokumen kursus jangka pendek secara lebih teratur dan efisien. Penyertaan ini juga merupakan penyertaan kedua IKBN Seri Iskandar dalam pertandingan berprestij tersebut.

Kejayaan ini mencerminkan keupayaan serta komitmen berterusan warga IKBN Seri Iskandar dalam memperkukuh budaya inovasi dan pendigitalan di peringkat institusi.

SEKIAN TERIMA KASIH